

Jí² ti tún² 'e gasii¹in San Juan

Ngó¹ tún² jí² sii¹i Wó³

1 1 Tsá² fee¹mo jna joon sít³na 'e jí² lo tyi'i Yá³ coon¹³ yuun²¹ tyi'i 'in gatyii¹³in Dios. 'E la ja²mo 'iin²¹²moo 'naa'. Joon jon' jna 'in 'iin²¹²na 'naa' pe jilee²¹mo 'in ñi¹ 'e la ja²mo seein²¹ Dios. **2** 'iin²¹²moo 'naa' 'wii²¹² 'e júu³ ja²mo 'e líi²na' joon ilí² la joon coon²¹ tøø²mo.

3 Cwojmaa¹a Dios feei¹-tsi tyi'. Joon cwocwo¹o Dios fo'feei¹ tyi' 'e saan²¹an' tyú²-u. Wana mo li'in²¹²na' la jai² i'ii¹³mo' jilaa²¹ 'elo tya' Dios Jmii²¹ joon tya' Ña'ñu¹u' 'in Joon¹ Dios.

4 Galijløø¹³moo 'e tsee²¹moo 'inlíi¹³ xuui²¹² tyi'i 'in jmoo¹o nuu¹³u júu³ jai² tya' Dios jiin¹³ la gatyú²u Dios Jmii²¹ jna' to². **5** Mí³ii tyani'i, Yá³, 'e jmaa²a la to² tyu² Dios coon¹² júu³ tya'a. Joon jo 'múui² 'e júu³ do tsu ca la mo 'wiin²¹² ninee² jna' to² tyu²u 'e 'iin²¹²mo' la jaain²¹ la jaan²¹na'. **6** Joon 'iin²¹²mo' Dios coon¹³ tsá² mo jmoo²¹o' la to² tyu²u. Joon 'e to² tyu² Dios do 'e ganuu²u ca la mo 'wiin²¹² 'e un'iin²¹²u'un Dios coon¹³ tsaru¹u'.

Xiiala líi¹i 'in con² tsá² too²

7 Tsu fúu¹mo 'in con² tsá² too² ningalín² la caain²¹ juncwii²¹. 'In tsá² do jo røø¹i 'e nigajó¹ Jesucristo juncwii²¹ líi¹i tsá². 'In jin² la joon con²on tsá² too² joon 'ee¹mo Cristo Ña'ñu¹u'. **8** Un'øø²¹naa' yaanaa' 'e jo caa¹naa' 'e nijmoo²¹o'o jee²¹² 'naa'. Joon coon¹³ la joon jo caa²naa' jiin¹³xu icwo¹² Dios 'naa'.

9 Jilee²¹ 'in líi² 'e 'øøi²¹gi-tsi la júu³ ga'e¹ Cristo joon jo jmoo¹gi 'e júu³ do jo ngii¹gi coon¹³ Dios. Pe 'in jmoo¹o 'e júu³ do ngii¹o coon¹³ Dios Jmii²¹ joongi coon¹³ Joon¹ Dios Jmii²¹. **10** Wa jalín² tsá² fu tyii' 'in jo 'e¹ 'e júu³ do jo 'ii¹³naa' tsi inuu jon'gi fuu²uu': "Aa²¹²mo'o." **11** Tsu wana jin² tsá²: "Aa²¹²mo'o", lawa'a røø² sít³i tsá² coon¹³ 'e gó² jmoo¹o 'ido.

Júu³ li tséi¹

12 Sá²gi 'e fo³oo pe jo 'iin²¹²na tóon³oon ni mo'jí² coon¹³ 'in¹. Pe 'i¹-tsii yaa¹³na yafoo¹³na 'naa' ñii'a 'e coon¹³ la joon itsín¹ 'e jløø¹³mo'.

13 'In jón¹ ruu²¹u tsamí² no, 'in gatyii¹²in Dios jon sít³i: "Aa²¹²mo'o." Amén.